

**broj šasije wv2zzz7hzh123648, broj motora caa538097, Gorskoj službi spašavanja – stanica Visoko.**

#### Član 1.

Ovom Odlukom daje se ovlaštenje Gradonačelniku Grada Visoko da u ime Grada potpiše Ugovor o davanju na korištenje polovnog Volkswagen kombi vozila CARAVELLE 1+8, godina proizvodnje 2013, snaga motora 103 KW, broj šasije wv2zzz7hzh123648, broj motora caa538097, Gorskoj službi spašavanja – stanica Visoko, na period od tri (3) godine s mogućnošću produženja Ugovora nakon isteka od tri (3) godine.

#### Član 2.

Vrijednost opreme iz člana 1.ove Odluke iznosi 28.000,00 KM s PDV-om iz 2024.godine i vlasništvo je Grada Visoko.

#### Član 3.

Sve obaveze da između Davaoca i Primaoca opreme na period od tri (3) godine biće detaljno regulisane Ugovorom o davanju na korištenje opreme iz člana 1.ove Odluke.

#### Član 4.

Odluka stupa na snagu danom objave u „Službenom glasniku Grada Visoko“.

Broj: 02/1-02-20/25  
30.01.2025. godine  
Visoko

PREDSJEDAVALAČI  
Gradskog vijeća Visoko  
Mr. Almir Ljeskovicica, s.r.

#### 08.

Na osnovu odredaba iz člana 9. stav (1) i 49. Zakona o komunalnim djelatnostima ("Službene novine Zeničko-dobojskog kantona", broj: 17/08), člana 21. Statuta Grada Visoko ("Službeni glasnik Grada Visoko" broj: 10/21), člana 36. i 38. Odluke o organizaciji i sigurnosti saobraćaja na cestama na području općine Visoko ("Službeni glasnik Grad Visoko", broj: 6/09,1/17,10/18,) i („Službeni glasnik Grada Visoko“, broj: 05/21, 06/21,06/24) i člana 75. Odluke o komunalnom redu ("Službeni glasnik Grad Visoko", broj: 5/23), Gradsko vijeće Visoko, na 4.sjednici, održanoj 30.01.2025. godine, donijelo je

## ODLUKU O UPRAVLJANJU, ODRŽAVANJU I NAPLATI PARKING PROSTORA I JAVNIH GARAŽA

#### Član 1.

Ovom Odlukom se Javnom komunalnom preduzeću "Gradska groblja" d.o.o. Visoko dodjeljuje nadležnost za obavljanje komunalne djelatnosti održavanja javnih parking prostora i javnih garaža, kao i organizacija naplate parkiranja na javnim parkiralištima na području Grada Visoko.

#### Član 2.

Nadležno javno komunalno preduzeće iz člana 1. ove Odluke, obavezno je da u roku od trideset dana od dana donošenja ove Odluke, internim pravnim aktima reguliše sva bitna pitanja vezana za javna parkirališta, parkirališne zone, rezervirana i povlaštena parkirališna mjesta, opće uslove ugovora o korištenju javnih parkirališta, premještanje ili blokiranje nepropisno zaustavljenih i parkiranih vozila, organizaciju i način naplate parkiranja, parkirališne karte i povlaštene parkirališne karte, nadzor nad parkiranjem vozila, te sankcije za povredu ugovora o korištenju parkirališta.

#### Član 3.

Nadležno javno komunalno preduzeće iz člana 1. ove Odluke, obavezno je prilikom vođenja poslovnih knjiga analitički posebno voditi rezultate poslovanja za obavljanje djelatnosti utvrđene ovom Odlukom.

#### Član 4.

Nadležno javno komunalno preduzeće iz člana 1. ove Odluke će obavljati i poslove premještanja ili blokiranja vozila kojim je izvršena povreda ugovora o korištenju javnih parkirališta ili prekoračenje dozvoljenog maksimalnog trajanja korištenja javnog parkirališta.

Za obavljanje poslova premještanja vozila iz stava 1. ovog člana, nadležno javno komunalno preduzeće mora imati:

- dokaz o izdanom odobrenju za obavljanje djelatnosti (izvod iz sudskog registra sa registracijom djelatnosti kod nadležnog suda),
- u vlasništvu ili u najmu najmanje jedno specijalno vozilo "pauk" s odgovarajućom

- opremom koje može premjestiti svako vozilo ukupne mase do 2500 kg,
- uredski prostor za prijem stranaka i za čuvarsku službu,
  - ograđen i čuvan prostor na području grada na kojem odlaže i čuva premješteno vozilo,
  - osposobljene zaposlenike za poslove premještanja vozila,
  - potrebnu opremu za izradu foto ili video zapisa utvrđene povrede ugovora o korištenju parkirališta,
  - organizirano cjelodnevno dežurstvo za prijem, čuvanje i izdavanje vozila, te
  - građanima dostupne telefonske brojeve na kojima se uvijek može provjeriti da li je vozilo premješteno i gdje se ono nalazi.

### Član 5.

Nadležno javno komunalno preduzeće iz člana 1. ove Odluke, obavezno je, u skladu s ovom Odlukom, osigurati i posebno označiti najmanje jedno parkirališno mjesto za parkiranje vozila osoba sa invaliditetom u svakoj parkirališnoj zoni.

Osobe sa invaliditetom kategorije 60 - 100%, članovi Organizacije porodica šehida i poginulih boraca grada Visoko "Visoko 92", te dobitnici najvećih ratnih priznanja i odlikovanja "Zlatni ljiljan" i "Zlatna policijska značka", koji imaju odgovarajuću identifikacijsku iskaznicu i na vozilima istaknutu važeću oznaku, imaju pravo na dva sata dnevno besplatnog parkiranja na svim javnim parkiralištima na kojima se vrši naplata parkiranja i samo na mjestu označenim za navedenu kategoriju.

Poslije isteka tog vremenskog perioda plaćaju naknadu po započetom satu."

### Član 6.

Nadležno javno komunalno preduzeće iz člana 1. ove Odluke, obavezno je pružati usluge predviđene ovom Odlukom uz naknadu koju plaća korisnik javnog parkirališta.

Naknade iz stava 1. ovog člana se sastoje od:

1.	Naknada za korištenje javnog parkirališta - EXTRA ZONA	2,00	KM/h
2.	Naknada za korištenje javnog parkirališta - I ZONA	1,50	KM/h

3.	Naknada za korištenje javnog parkirališta - II ZONA	1,00	KM/h
4.	Naknada za izdavanje doplatne karte za povredu ugovora o korištenju javnih parkirališta i općih uslova korištenja javnih parkirališta (neisticanje parkirališne karte na vjetrobranskom staklu vozila, gubitak parkirališne karte, korištenje parkirališne karte koja ne odgovara parkirališnoj zoni, prekoračenje dopuštenog vremena parkiranja za koje je kupljena karta)	10,00	KM
5.	Naknada za premještanje specijalnim vozilom "PAUK" za vozilo kojim je učinjena povreda ugovora o korištenju javnih parkirališta ili prekoračeno dopušteno vrijeme parkiranja za koje je kupljena parkirališna karta	100,00	KM
6.	Naknada za započeto a neizvršeno premještanje specijalnim vozilom "PAUK" za vozilo kojim je učinjena povreda ugovora o korištenju javnih parkirališta ili prekoračeno dopušteno vrijeme parkiranja za koje je kupljena parkirališna karta	25,00	KM
7.	Naknada za deblokadu blokiranog vozila sa odgovarajućom opremom koja se koristi za ovu namjenu ("lisice") za vozilo kojim je učinjena povreda ugovora o korištenju javnog parkirališta ili prekoračeno dopušteno vrijeme parkiranja za koje je kupljena parkirališna karta	20,00	KM
8.	Naknada za osiguranje (čuvanje) premještenih vozila specijalnim vozilom "PAUK"		
	* do 10 sati	5,00	KM
	* od 10-24 sata	10,00	KM
	* preko 24 sata za svaki započeti sat osiguranja (čuvanja)	1,00	KM

U cijene je uračunat PDV.

Posebne naknade za korištenje javnih parkirališta u I i II zoni, pored naknada iz stava 2 ovog člana, sastoje se od:

1.	Naknada za izdavanje karte za cjelodnevno korištenje javnih parkirališta I ZONA	5,00	KM/dan
2.	Naknada za izdavanje karte za cjelodnevno korištenje javnih parkirališta II ZONA	3,00	KM/dan
3.	Naknada za izdavanje mjesečne karte za korištenje javnih parkirališta I ZONA	100,00	KM/mjesec
4.	Naknada za izdavanje mjesečne karte za korištenje javnih parkirališta II ZONA	60,00	KM/mjesec
5.	Naknada za izdavanje godišnje karte za korištenje javnih parkirališta II ZONA	600,00	KM/godina
6.	Naknada za parkiranje autobusa II ZONA	5,00	KM/h

U cijene je uračunat PDV.

### Član 7.

Fizička osoba (stanar) koja ima prebivalište ili boravište na području na kojem se naplaćuje parkiranje, te pravna osoba, fizička osoba obrtnik odnosno osoba koja obavlja drugu samostalnu djelatnost koja ima sjedište ili koristi poslovni prostor na području na kojem se naplaćuje parkiranje, izuzev na javnim parkiralištima u I zoni mogu koristiti povlaštene uslove u pogledu cijene i korištenja javnih parkirališta (povlaštena parkirališna karta).

Povlašteni uslovi korištenja javnih parkirališta iz stava 1. ovog člana podrazumijevaju obavezu nadležnog javnog komunalnog preduzeća na kontinuirano osiguranje slobodnog parkirališnog mjesta koje je kao takvo označeno odgovarajućim oznakama, te uklanjanje vozila drugih korisnika koja neovlašteno uzurpiraju parkirališno mjesto za koje je ustanovljeno povlašteno pravo u skladu sa ovom Odlukom.

Naknada za izdavanje povlaštene parkirališne karte iznosi 70% visine naknade za izdavanje godišnje karte za korištenje javnih parkirališta iz člana 6. ove Odluke.

Uslovi korištenja povlaštenih parkirališnih karata utvrđuju se u obliku pisanog rješenja i

odgovarajuće iskaznice, koje izdaje organizator parkiranja na osnovu podnesenih pojedinačnih zahtjeva korisnika javnog parkirališta.

### Član 8.

Mreža javnih parkirališta u okviru jedinstvenog sistema organizacije održavanja javnih parkirališta i naplate usluge parkiranja, u skladu sa ovom Odlukom, obuhvata sljedeće lokacije:

U okviru EXTRA zone:

- Ulica Alije Izetbegovića

U okviru I zone:

- Ulica Hazima Dedića (iza zgrade ZK ureda) i Ulica Dr. Džananovića
- Ulica Tabhanska (iza JP „BH Pošte“ i ispred vojne zgrade)
- Parking prostor ispred KC „Altindag“ Visoko

U okviru II zone:

- Ulica Branilaca (kod JU "Dom zdravlja"), Ulica Branilaca (kod Vatrogasnog doma),
- Ulica Aleje Šehida Resula (od apoteke do stadiona),
- Ulica Musala (od parka do „Sumejje“)
- Ulica Kralja Tvrtka (Kraljevac)
- Ulica Kadije Uvejsa (kod Autobuske stanice)
- Parkiralište kod Sportske dvorane (tzv. "poligon")
- Parking iza stare zgrade RTV
- Parking na Ravnama
- Parking Luka.

Nadležno javno komunalno preduzeće će pružati predviđene usluge i vršiti naplatu u periodu od 01.04 – 01.10. na sljedećim javnim parkiralištima: Parking na Ravnama - Parking Luka.

### Član 9.

U slučajevima kada postojeći kapaciteti javnih parkirališta ne mogu zadovoljiti zahtjeve korisnika u toku trajanja privrednih, kulturnih, sportskih ili sličnih manifestacija iz člana 8. ove Odluke, gradonačelnik po prijedlogu Službe nadležne za komunalne poslove, može posebnom odlukom za privremena javna parkirališta odrediti i druge javne površine koje svojim položajem i karakteristikama

ispunjavaju uslove da mogu poslužiti kao privremena javna parkirališta.

#### Član 10.

Obavezuju se Služba nadležna za komunalne poslove i nadležno javno komunalno preduzeće da odredbe ove Odluke na odgovarajući način uvrste u Program naplate parking prostora i javnih garaža.

#### Član 11.

Naknada za korištenje javnog parkirališta se plaća svakim danom izuzev nedjelje i praznika (koji se smatraju neradnim danima), u vremenu od 07:30 – 16:00 sati.

#### Član 12.

Određivanje javnih površina za javna parkirališta, podjelu tih površina na opća i posebna (ulična i izvanulična), stalna i privremena, kao i koja se javna parkirališta svrstavaju u koje parkirališne zone, utvrdit će se Programom gradonačelnika po prijedlogu nadležnog komunalnog preduzeća i Službe nadležne za komunalne poslove, u roku od trideset dana od dana donošenja ove Odluke.

#### Član 13.

Nadležno komunalno preduzeće može da aktivira i modernizuje i unaprijedi način naplate javnog parkirališta putem SMS-a mobilne aplikacije i kartičnog plaćanja.

#### Član 14.

Na vozila agencija za sprovedbu zakona, vozila hitne medicinske pomoći i vatrogasna vozila, bez obzira na to imaju li ugrađene posebne uređaje i oznake ili ne, ali isključivo u slučajevima obavljanja službenih zadataka, prilikom korištenja parkirališnih mjesta na javnim parkiralištima sa naplatom, odredbe ove Odluke se neće primjenjivati.

#### Član 15.

Stupanjem na snagu ove Odluke prestaje da važi Odluka o upravljanju, održavanju i naplati parking prostora i javnih garaža (Službeni glasnik općine Visoko broj: 7/14, 5/15 i 4/19).

#### Član 16.

Ova Odluka stupa na snagu danom objavljivanja u "Službenom glasniku Grada Visoko".

Broj: 02/1-02-23/25  
30.01.2025. godine  
Visoko

PREDSJEDAVALAČI  
Gradskog vijeća Visoko  
Mr. Almir Ljeskovic, s.r.

#### 09.

Na osnovu člana 10. Zakona o komunalnim djelatnostima ZE-DO kantona ("Službene novine ZE-DO kantona " broj 17/08) i člana 21. Statuta Grada Visoko ("Službeni glasnik Grada Visoko " broj 10/21), Gradsko vijeće Visoko na 4.sjednici, održanoj 30.01.2025.godine, donijelo je

### ODLUKU

#### o davanju saglasnosti na izmjene i dopune Cjenovnika komunalnih usluga JKP "Gradska groblja" d.o.o Visoko

#### Član 1.

Ovom Odlukom Gradsko vijeće Visoko daje saglasnost na izmjene i dopune Cjenovnika komunalnih usluga JKP "Gradska groblja" d.o.o Visoko ("Službeni glasnik Općine Visoko" broj 9/05, 9/17).

#### Član 2.

Sastavni dio ove Odluke je izmjena i dopuna Cjenovnika komunalnih usluga JKP "Gradska groblja" d.o.o Visoko broj 100-0051-01/2025 od 15.01.2025. godine i to:

- Cjenovnik mehanizacije, pogrebnih usluga, prijevoza i drugih usluga na groblju za fizička lica;
- Cjenovnik mehanizacije, pogrebnih usluga, prijevoza i drugih usluga na groblju za pravna lica;
- Cjenovnik usluga radne snage, mehanizacije i usluga radova na održavanju gradskog zelenila;
- Cjenovnik naplate parkiranja na javnim parkiralištima na području grada Visoko.

#### Član 3.

Odluka stupa na snagu danom donošenja i objavit će se u "Službenom glasniku Grada Visoko".

Broj: 02/1-02-21/25  
30.01.2025. godine  
Visoko

PREDSJEDAVALAČI  
Gradskog vijeća Visoko  
Mr. Almir Ljeskovic, s.r.